

L' istorgia da la detta

Igl era ina giada in mattin. Quel aveva num Yank. Yank viveva en China. Ses bab gieva la damaun marvegl a lavurar en ina gronda fabrica. La mamma prendeva lura adina puspè il zerclin e gieva ora sin il funs. Yank stueva star a chasa tut sulet. Ma quai na plascheva betg propi ad el. El sa decida dad era ir a lavurar. El ha prendì in zercllet ed è ì en iert. Qua giascheva dapertut per terra gronda e pitschna crappa. Yank ha rimnà tut la crappa en in chanaster e purtà questa a la riva dal flum, betg lunsch davent da sia chasa. Lura ha el fatg urden en iert, ha vulvì enturn la terra e al ha partì en eras. Suentèr è el ì en chasa per sem ed ha semnà. La fin ha el anc dà aua a tut las eras. Ussa aveva Yank finì e sa legrava zunt fitg da sia lavur. El ha lavà ses mauns ed è sa mess a ruaus sut ina planta.

La saira è il bab turnà da la lavur ed ha dumandà Yank: "Tgi ha fatg uschè bain urden en iert?"

Yank ha respundì: "diesch pitschen amis m'han gidà!"

Ils geniturs han guardà in sin l'auter ed han dumandà: „nua èn alura ussa tes diesch pitschens amis?"

- scolars lignan tgi ch'ìls diesch amis èn.

"Qua èn els", ha Yank clamà ed auzà ils mauns ad aut.

"Vi da mintga maun tschintg amis!"